



Inatsisartut ilaasortaq
Hans Aronsen, Inuit Ataqaṭigiit

Qinnuteqarnermut atatillugu angallatit angissusaat pillugu apeqqut nr. 111-mut akissut.

Inatsisartut suleriaasianni § 36, imm. 1 malillugu qinnuteqarnermut atatillugu angallatit angissusaannut tunngasumik apeqquteqaateqarputit. Apeqqut Naalakkersuisoqarfimmit akineqartussanngortinneqarpoq.

Apeqqut:

Angallatit BRT-miit BT-mut angissusilerneqarnerata kingunerisaanik, angallatit aalisarnermut piniarnermullu atornissaannut akuersissummik pissarsiniarnermi qanoq immikkoortinneqartarpat?

Umiarsuarnik aalisaariutinillu uuttuisarnermi periuseq nutaaq bruttotons-iuvoq (BT). Uuttuisarnermut periuseq nutaaq taanna atortuutilersinneqarpoq 1987-imi uuttueriaatsimullu nutaanngitsumut naleqqiullugu allaanerujussuulluni. Uuttuisarnermut periutsip nutaap atortuutilersinneqarnerata kingorna piffissami sivikitsumi angallammik piginnittoq uuttuisarnermut periutsit marluutillugit angallatimi uuttorneqarnissaa piumasarinnaasimavaa.

BRT-miit BT-mut toqqaannartumik naatsorsueqqittoqarsinnaanngilaq.

Angallammik piginnittoq angallatit usitussutsimut uuttuutaanik allagartamik (målebrev) nutaamik BT-mik nalunaarsugaasumik kissaateqaruni, taava angallat nutaamik uuttoqqinneqarnissaa pisariaqarpoq. Angallatinik nutaanngitsunik pigisallit amerlasuut piffissap ingerlanerani uuttueriaaseq BT atorlugu uuttortaqqit-sinnikuuvaat.

Nunatsinni allanik amerlasuunillu angallateqarmat maleruagassat nutaanngitsut malillugit uuttortarneqarsimasunik aamma uuttortarteqqinneq angallammik piginnittumit akilerneqartussaammat (taamanikkut) Namminersornerullutik Oqartussat, angallatip angissusaa malillugu nalunaarutini killiliinernik aalajangersagaqartillugu, uuttueriaatsit taakku marluk nalunaarutini atortinneqarnissaat toqqarsimavaat.

Tunngaviatigut uuttuisarnermi periuseq nutaaq tassa BT atorneqassaaq, kisianni angallat angallatit usitussutsimut uuttuutaata allagartaani (målebrev-imi) BRT-mik

23. oktober 2009
J.nr. 01.28.09

Dok.nr.

Postboks 269
3900 Nuuk
Tlf. (+299) 34 50 00
Fax (+299) 32 47 04
E-mail: apnn@gh.gl

taamaallaat nalunaarsugaasimappat taava angissuseq taanna atorineqartussaasaaq.

Nalunaarutini usitussitsimut killigitinneqartunik atuutsitsiffiusuni inatsisiliortut assersuutigalugu 75 BRT missiliorlugu 120 BT-tut naapertuuttussatut aalajangersarnikuuvaat.

Kisiannili nalunaarummi ataatsimi piniarnermut tunngassuteqartumi ajornartorsiut ataaseq piuvoq. Qilalukkanik qaqortanik qernertanilluunniit piniarnissamut atorineqarsinnaanerannut angissutsimikkut annertunerpaaffiusoq tassaavoq 15 BT/20 BRT Qilalukkanik qaqortanik qernertanillu illersuineq piniarnerlu pillugit Namminersornerullutik Oqartussat nalunaarutaat 2004-meersoq § 10 naapertorlugu.

Teknikkikkulli tamanna aaqinneqarsimavoq angallatinut ataasiakkaanut qilalukkanik qaqortanik qernertanillu piniarsinnaanermut immikkut ittumik akuersissuteqarnikkut, angallatit taakkua annerusumik minnerusumilluunniit ajornartorsiulermammata uuttueriaatsimut nutaamut ikaarsaarnemi. 2009-mi immikkut akuersisoqartarpoq/imaluunniit akuersisoqarnikuuvoq:

- Angallatip angissusaa aallaqqaataaniit uuttueriaatsimi nutaanngitsumi uuttuut 20 BRT eqqortippagu (imaluunniit eqqortissinnaasimappagu)
- Angallat siusinnerusukkut qilalukkanik qaqortanik qernertanilluunniit piniarnermut atorineqarnikuusimappat
- Angallat takissutsimigut uuttuutaa tamakkiisumik 15 m ataappagu
- Angallat BT naapertorlugu uuttuutaa 15 BT annertuumik qaangeqqanngippagu

Inussiarnersumik inuulluaqqusillunga

Ane Hansen
Aalisarnermut, Piniarnermut Nunalerinermullu Naalakkersuisoq